

# Kauna stodėntiu korporacėjė „Filiae Samogitiae“

PRUŠINSKIS KAZIMIERS



Kauna Vītauta Dėdliuojė universitets. Portėgrapėjė iš RKIC archiva

1930 m. gegužės 30 d. Kaunė sava veikla pradiejė Vītauta Dėdliuojė universiteta žemaitiu stodėntiu, katruos dažniausė stodėjava medicina, korporacėjė „Filiae Samogitiae“. Tou laiko Lietovuo kūries ėr kėtas žemaitiu stodėntu korporacėjės – „Fraternitas Samogitia“ (Duotnuvuos žemės ūkė akademėjės stodėntu mišri korporacėjė), „Terra Samogitia“ (Klaipiedas pedaguogėnė instituta žemaitiu stodėntu korporacėjė). Aktyvės korporacėjės narės bova Konkulevičienė-Kerpītė Cėcėlėjė, Apeikienė-Venclauskaitė Anelė. Ta korporacėjė palaikė rīšius so tarpukarė metās Rīguo veikosė korporacėjė „Dzintra“.

„Filiae Samogitiae“ rūpėnuos ne tik Kaunė stodėjaujėntiu žemaitiu bėndravėmo, muoksla, kultūras rėkalās, bet, kap ėr „Fraternitas Samogitia“ korporacėjė, aktyvė dalīvava valstībės puolitėnemė gīvenėmė.

Kauna apskrėtėis viešuosės bėbliuotekas Senūju ėr retū spaudėniū skīriou īr sauguoms Vītauta Dėdliuojė universiteta korporacėjės „Filiae Samogitiae“ naujemetėnis sveikėnėms Balandienė-Plechavičiūtė Prancėškā (RF 1-103). Sveikėnėms rašīts 1934 m. groudė 30 dėina.

## Konkulevičienė-Kerpītė Cėcėlėjė

Ana Vītauta Dėdliuojė universitetė muokies nu 1934 metu – Gumanėtarėnemė fakoltetė stodėjava prancūzu kalba, literatūra ėr bėbliuograpėjė. Muokies pas



Žemaitėjės herbs

prufesuorius Biržiška Vacluova, Duba, V. Gudaiti, V. Krievė-Mickevičio. 1935 m. Cėcėlėjė stažavuos Belgėjuo. Stodėjoudama vėsa laika aktyvė dalīvava „Filiae Samogitiae“ stodėntu korporacėjės veikluo, kurī laika bova tuos korporacėjės pirmininka pavaduotuojė.

## Apeikienė-Venclauskātė Anelė

Aktīvi korporacėjės „Filiae Samogitiae“ narie bova ėr Apeikienė-Venclauskātė Anelė.

Ana gėmė 1915 m. sausė 20 d. Poudkaliūs, netuolėj Skouda. Anelės tievā bova Uona ėr Pelėksos Apeikė. Šeimuo auga 7 vākā. Anelė bėngė Kauna Saulės gimnazėjė. Bova aktyvi skautė, toriejė paskautininkės laipsni. Sava inicetīvo ikūrė Mildas drauguovė. 1936 m. pradiejė stodėjoutė ekuonuomika Vītauta Dėdliuojė universitetė. Će ana isijungė i Universiteta žemaitiu stodėntiu korporacėjės „Filiae Samogitiae“ veikla. Bova dėdlė kūribėška asmenībė. 1939 m. istuojė i Kauna Valstībės tėttra dramas stodėjė. Nu 1940 m. bova tuo tėttra, vuo nu 1942 m. – Kauno jaunūju dramas tėttra artistė. Garsiejė kāp gera skaituovė. Ana pruzas ėr puozėjės kūrėnius liuob skaitītė tėik ivairiūs koncertūs, tėik ėr par radėjės laidas.

1944 m., bėngoutėis Ontrājem pasaulėnem karou, pasėtraukė i Vuokītėjė, vuo 1947 m. so šeimo parsėkielė gīventė i Jungtėnės Amerikas Valstėjės. Isėkūrė lietuviu pamiegtuo Ćikagu. Vaidėna J. Blekaitė įkortamė dramas tėttrė. Nu 1959 m. gīvena Los Andžela (Los Angeles) miestė.

Toriejė gera balsa ėr kurī laika dainiava Armuona Petra vadovaujėmamė muoterū kvartetė. Nu 1947 m. priklausė Birutės draugėjė. 1987–1988 m. bova tuos draugėjės Los Andžela skīriaus pirmininkė.

Mėrė 2010 m. sausė 22 d. Los Andžela miestė. 2010 m. sausė 29 d., pu gedulingu šv. Mišiū, katruos vīka Los Andžela miesta katalėku Šv. Kazimiera bažnīčiuo, bova palaiduota *Forest Lawn* kapinies (Glendale, JAV) šalėp sava vīra Vītauta, katros mėrė 2001 metās.